

Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat

Peqqinnissaqarfiup aqunneqarnera aaqqissuussaaneralu pillugit Inatsisartut peqqussutaanni nr. 3, 23. maj 2000-imeersumi § 3 naapertorlugu aalajangersarneqarput:

§ 1. Pinaveersaartitsinermut ataatsimiititaliap ilaasortarai napparsimmavimmit/peqqissaavim-mit peqqinnissamik sulialik ataaseq, kigutileriffimmit peqqinnissamik sulialik ataaseq, pinaveersaartitsinermut siunnersorti kiisalu meeqqat atuarfiannit aqutsisuniit, politiinit, isumaginninnermik ingerlatsivimmit aamma pinerluuteqarsimasunik isumaginnittoqarfimmit ataaseq. Ataatsimiisitaliap ilaasortai oqartussanit susassaqtunit pineqartunit inassutigineqassapput.

Imm. 2. Anguniarneqassaaq ataatsimiititaliamut ilaasortat suliassanut naleqquttunik soqutigisaqarlutillu ilisimasaqarnissaat.

Imm. 3. Pinaveersaartitsinermut ataatsimiititaliat sulinerminni oqartussat peqataatitaqtut aalajangiisinnaatitaanerat najoqqutarissavaat.

§ 2. Pinaveersaartitsinermut ataatsimiititaliat akunnerminni siulittaasussaminnik allatsissaminnillu toqqaassapput suleriaasissatillu namminneq aalajangersassallugit.

Imm. 2. Pinaveersaartitsinermut ataatsimiititaliaq ikinnerpaamik qaammatit pingasukkaarlugit ataatsimiittassaaq.

Imm. 3. Napparsimmavimmiit/peqqissaavimmiit sinniisuusoq ataatsimiinnermut siullermut qaaqqusissaaq.

§ 3. Pinaveersaartitsinermut ataatsimiititaliat pinaveersaartitsineq peqqinnerulersitsiniarnerlu pillugit ukiumoortumik iliuusissanik pilersaarusiortassapput. Iliuusissanik pilersaarut ukiut tamaasa novembarip aallaqqaataa tikitsinnagu PAARISA, Postboks 1160, 3900 Nuuk-mut nassiunneqartassaaq.

Imm. 2. Iliuusissatut pilersaarut kommunalbestyrelsimut saqqummiunneqartassaaq.

§ 4. Nalunaarut ulloq 1. juuni 2001 atuutilerpoq.

Namminersornerullutik Oqartussat, 18. maj 2001.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut